

58* Fu posto, per sier Piero Duodo et sier Alvixe Malipiero, consejeri, sier Domenego Trivixan, cavalier, procurator, sier Zorzi Emo, sier Alvise da Molin et alcuni altri savij, la parte di fitti, chome 1453 fu preso, dil mexe di fevrier, *videlicet* da ducati 15 in suso pagino la mità dil fitto a li provedadori sora i officij, zoè la mità di la mità per tutto il mexe di mazo e l'altra mità per tuto il mexe di avosto, con questo siano fati creditori a le biave et restituidi in 4 anni, compida la guera, di formenti a raxon di uno ducato il ster, *ut in parte* sa (*sic*) coplà qui avanti. Contradise sier Bernardo Barbarigo, *quondam* serenissimo, è governador di l'intrade, e aricordò far retansar tutta la terra e far capi di contrada tanxaseno *etc.*; rispose sier Alvise da Molim. Poi parlò sier Antonio Condolmer, savio a terra ferma; poi sier Antonio Trun, vol l'indusia, poi sier Zorzi Emo et uno altro. Andò 4 parte: la prima di questi do consieri, la 2.^a sier Antonio Trun, vol l'indusia, la 3.^a 4 savij, sier Domenego Trivixan e compagni, vol sia tansà le contrade *etc.*, *ut in parte*, la 4.^a di sier Alvise Mozenigo, cavalier, sier Antonio Zustignan, dottor, savij a terra ferma, voleno la parte con la zonta dil tanxar *etc.* Et balotade 2 volte, poi la indusia con la parte, fu preso dita parte di fitti, chome si vederà notada qui avanti.

Et veneno zoso pregadi a horre 2 1/2 di note.

Scurtinio di provedador a Rimino, con ducati 80 al mexe, con pena.

Sier Marco Antonio Contarini, fo capetanio di le galie di Fiandra, *quondam* sier Alvixe.

Sier Lunardo Emo, *quondam* sier Zuanne, el cavalier.

Sier Antonio Bom, fo provedador in Albania, *quondam* sier Fantin.

Sier Andrea Arimondo, el grandò, *quondam* sier Simon.

Sier Andrea Erizo, fo podestà e capetanio a Ruigo, *quondam* sier Francesco.

Sier Francesco Zigogna, fo di la zonta, *quondam* sier Marco.

† Sier Alvise d'Armer, fo provedador al sal, *quondam* sier Simon.

Sier Zuan Francesco Venier, fo governador in armada, *quondam* sier Moisè.

Sier Bernardo Donado, fo capetanio a Vicenza, *quondam* sier Piero.

Sier Domenego Dolfim, fo provedador in campo, *quondam* sier Dolfim.

Sier Zusto Guoro, fo sopracomito, *quondam* sier Pandolfo.

Sier Marco Zen, è di pregadi, *quondam* sier Piero. Sier Vincenzo Contarini, el grandò, *quondam* sier Hironimo.

Sier Andrea Bondimier, fo capetanio di le galie di Alexandria, di sier Zanoto.

Sier Pollo Bragadim, *quondam* sier Zuan Alvise. Sier Zuan Antonio Dandolo, fo provedador a Spalato, *quondam* sier Francesco.

Sier Daniel Dandolo, fo provedador a Feltre, *quondam* sier Hironimo.

Sier Antonio Zustignan, dottor, savio a terra ferma, *quondam* sier Pollo.

Sier Alvise Zorzi, fo capetanio di le barche di la riviera di la Marcha, *quondam* sier Antonio, cavalier.

Sier Nicolò Zustignan, *quondam* sier Ferigo.

A dì 26. L'orator yspano fo a la Signoria, in 59 colegio, *nescio ad quid*. Item, il colegio mandava per molti zentilomini fuora di pregadi, qualli veniva in colegio, et il principe li dimandava danari im prestedo, ubligandoli il trato di arzenti, et se ne trovava, qualche uno imprestava, chome più diffuse questa matina scriverò. Et fin qui ebbeno ducati 22 milia.

Di Elemagna, in todeschi, si ave letere, di Franchfort, di 17. Il re era partito di Gantes e veniva in Elemagna, per esser a la dieta imperial si fa a Vormes, la qual si farà a dì 24 april da San Zorzi. Item poi si ave, per altri avisi, che 'l secretario nostro era zonto in certa terra; e *tamen* di lui non si havea letere, ni messo alcuno.

Di Ingaltera, fo letere di 29 marzo, particular, per via di fiorentini, in zerchio. Che le nostre galie di Fiandra, capetanio sier Agustin da Mulla, erano per levarsi, havendo cargà e tolto do barze per segurtà, et dovea di di in di partir. *Tamen* dil re, che sia amalato, 0 se intese.

Item, per via di Fiorenza, se intese, il re di Franza esser zonto a dì 16 a Garnopoli, et vegnirà in Italia con zente.

Di Valenza, di 2. Che a dì primo april le nostre galie di Barbaria, capetanio sier Bortolo da Mosto, erano partite per vegnir in qua, et non dubitava di 0. Et di l'armada di Spagna, che si meteva in hordine, si come in ditte letere si contien.

Da poi disnar fo consejo di X con la zonta. Et asoleno el conte Jacomo da Colalto, qual fo bandito di Venecia et terre e luogi nostri, per aver morto il conte Bernardin, suo barba, el qual si à oferto ve-